



Broj: 10-34.1-342-1/19

Datum: 24.01.2019. godine

Na osnovu čl. 8. i 54. Zakona o radu u institucijama Bosne i Hercegovine ("Službeni glasnik BiH", broj: 26/04, 7/05, 48/05, 60/10, 32/13 i 93/17), člana 8. Odluke o uslovima i načinu prijema pripravnika visoke stručne spreme u radni odnos u institucije Bosne i Hercegovine („Službeni glasnik BiH“, br. 52/05, 102/09 i 9/15) i Odluke o potrebi prijema volontera, broj: 10-34.1-342/19 od 24.01.2019. godine Agencija za lijekove i medicinska sredstva BiH raspisuje

**JAVNI OGLAS  
ZA PRIJEM VOLONTERA U AGENCIJI ZA LIJEKOVE I MEDICINSKA SREDSTVA  
BOSNE I HERCEGOVINE**

1. Volonter sa završenim Tehnološkim fakultetom – inženjer prehrambene tehnologije- 240 ECTS - jedan (1) izvršilac

**I – Opis poslova:**

Volonter će obavljati poslove u svrhu stručne obuke i osposobljavanja za samostalan rad u profesiji za koju je obrazovan, bez zasnivanja radnog odnosa, u trajanju od jedne (1) godine.

**II – Mjesto rada:**

Sjedište Agencije za lijekove i medicinska sredstva BiH, ul. Veljka Mladenovića bb, 78000 Banja Luka.

**III – Uslovi:**

Kandidat koji se prijavljuje mora da ispunjava opšte uslove propisane članom 10. Zakona o radu u institucijama Bosne i Hercegovine:

- navršenih 18 godina života;
- državljanstvo Bosne i Hercegovine;
- da protiv njega nije pokrenut krivični postupak (za krivično djelo za koje je predviđena kazna zatvora tri i više godina ili da mu nije izrečena zatvorska kazna za krivično djelo učinjeno s umišljajem u skladu s krivičnim zakonima u Bosni i Hercegovini);
- da nije obuhvaćen odredbom člana IX. stav 1. Ustava Bosne i Hercegovine;
- da je fizički i psihički sposoban za obavljanje poslova radnog mjesta na koje se prijavljuje.

Kandidat koji se prijavljuje na Javni oglas mora ispunjavati i slijedeće posebne uslove:

### **Posebni uslovi:**

Za volontersku poziciju pod 1.

- Završen Tehnološki fakultet –diplomirani inženjer prehrambene tehnologije- visoka stručna sprema VII/1 stepen, a za lica koja su studije završili po bolonjskom sistemu, završen najmanje prvi ciklus studija (dodiplomski studij – *degree of bachelor*), uz ostvarenih najmanje 240 ECTS;
- poznavanje engleskog jezika.
- poznavanje rada na računaru.

### **IV – Isključenje za prijem u radni odnos kao volontera**

Kandidati ne smiju imati ostvaren radni staž i iskustvo od jedne godine i više nakon diplomiranja

### **V – Uz prijavu za Javni oglas za prijem volontera kandidati su obavezni dostaviti:**

- Prijava sa kratkom biografijom (svojeručno potpisana i sa naznačenom adresom stanovanja i kontakt telefonom);

Izvod iz matične knjige rođenih;

- Uvjerenje o državljanstvu (original ne stariji od šest mjeseci ili ovjerena kopija originala ne starijeg od šest mjeseci, osim ako se radi o uvjerenju na kome je izričito navedeno da se izdaje bez ograničenja roka važenja – ovjerena kopija);
- Original ili ovjerena kopija fakultetske diplome ili uvjerenja o diplomiranju (uvjerenje ne može biti starije od jedne godine, odnosno od roka potrebnog za izdavanje diplome), odnosno za kandidate koji su visoko obrazovanje stekli po bolonjskom procesu uz fakultetsku diplomu i dodatak diplomi, iznimno, samo u slučaju da visokoškolska ustanova dodatak diplomi nije uopšte izdavala niti za jednog diplomca, kandidat je dužan da uz ovjerenu kopiju fakultetske diplome dostavi uvjerenje visokoškolske ustanove da dodatak diplomi nije uopšte izdat niti za jednog diplomca, a u slučaju da fakultet nije završen u Bosni i Hercegovini, strana diploma mora biti nostrifikovana (dokaz o nostrifikaciji - ovjerena kopija);
- Dokaz da nema ostvaren radni staž i iskustvo od jedne godine i više nakon diplomiranja što se dokazuje ovjerenom kopijom radne knjižice (naslovna strana, kao i stranice s relevantnim podacima: ime, prezime i dr., podaci o školskoj i stručnoj spremi, o zaposlenju i stažu – (ovjerena kopija ne starija od 15 dana);
- Dokaz o poznavanju engleskog jezika (original ili ovjerena kopija);

### ***Napomena:***

- Kandidati su dužni dostaviti dokumente tražene Javnim oglasom, a dokumenti koji nisu u skladu s istim neće se uzimati u razmatranje.
- Diplome o završenom drugom i trećem ciklusu studija Bolonjskog sistema, kao i diplome o sticanju naučnih zvanja, nisu podobne za dokazivanja uslova utvrđenih ovim Javnim oglasom, te se iste neće uzimati u razmatranje.
- Kao dokaz da kandidat nema ostvaren radni staž i iskustvo od jedne godine i više, ne dostavljati uvjerenja, kontrolne kartone od zavoda za zapošljavanje i druge dokumente koji nisu traženi ovim Javnim oglasom, jer se isto neće uzimati u razmatranje;
- U slučaju da kopija dokumenata traženih ovim Oglasom ima više stranica, potrebno je izvršiti ovjeru dokumenta između stranica, u suprotnom, isti se neće uzimati u razmatranje;

- Validnost navedenih dokumenata računa se sa danom prijema prijave kandidata na Javni oglas.
- Izabrani kandidat je dužan prije potpisivanja ugovora o radu dostaviti ljekarsko uvjerenje o zdravstvenoj sposobnosti za obavljanje poslova radnog mjesta na koje se prijavio i uvjerenje da se protiv kandidata ne vodi krivični postupak izdato od nadležnog suda (ne starije od tri mjeseca), u suprotnom neće doći do potpisivanja ugovora o radu, odnosno, kandidat se skida sa liste uspješnih kandidata.

#### **VI – Postupak izbora:**

Kandidati koji ispunjavaju uslove iz Javnog oglasa i koji su blagovremeno podnijeli urednu i kompletnu prijavu na Javni oglas podliježu provjeri znanja koju u skladu sa Odlukom o uslovima i načinu prijema pripravnika visoke stručne spreme u radni odnos u institucije Bosne i Hercegovine („Službeni glasnik BiH“, broj 52/05, 102/09 I 9/15), provodi Komisija za izbor kandidata za prijem u radni odnos volontera. Provjera znanja sastoji se od pismenog testa i intervjua.

#### **VII – Dostavljanje prijave:**

Prijave se dostavljaju najkasnije osam dana **od dana objave Javnog oglasa u dnevnim novinama, poštom preporučeno na adresu:**

**Agencija za lijekove i medicinska sredstva BiH  
“Javni oglas za prijem volontera– NE OTVARAJ”  
Veljka Mladenovića bb  
78000 Banja Luka**

**Nepotpune, neblagovremene i neuredne prijave, kao i kopije tražene dokumentacije koje nisu ovjerene ili su ovjerene nakon isteka važnosti originala koji se ovjerava, te dokumenti stariji od roka koji je utvrđen Javnim oglasom, neće se uzimati u razmatranje.**